

INDEX GEOGRAPHICUS. 107

Theuca vicus non longè à Jerusalem, in quem Titus Josephum cum Cereali misit, ut locum inviserent, referrentque, an ad castrametationem idoneus esset. Joseph. in vita sua.

Thiras ultimus est septem filiorum Japheth, Genes. 10. v. 2. & 1. Paral. 1. v. 5. Posteris Japheth omnibus sedes in Europa dedimus; etiam Thiras, qui septimus & ultimus est, inter Sarmatiam & Daciam sedem habebit; ubi hodie Hungaria, Transylvania, Valachia, Moldavia, & Polonici Regni pars, quæ inter Vistulam & Borysthenem; ubi Lithuania, Russia, Volhynia, Podolia, &c.

Thocen, 1. Paral. 4. v. 32. Unde vox ipsa huc irrepperit, non video, cum nulla sit in Tribu Simeon, Josue 19. nulla in Tribu Juda, ex qua Tribu Simeon tota desumpta est: nulla in toto Veteri & Novo Testamento; & interim 1. Paral. 4. v. 32. ubi tantum est repetitio urbium Tribus Simeon, huc Thocen est, quæ nulla in Tribu Juda, nulla in Tribu Simeon ex Josue.

Thogorma. Vide Gomer.

Thophel. Inter Pharan & Thophel, & Laban & Haseroth Moyse Deuteronomium dixit & scripsit, præcepitque legi septimo quoque anno, & in arcam reponi jussit, Deuter. 31. . . Locus Thophel dicitur in solitudine campestri contra Mare Rubrum, Deuter. 1. v. 1.

Thyatira. In Apocal. 1. v. 11. inter septem Ecclesias Asiæ Thyatira una est, urbs inter Pergamum & Sardes.

Tiberias. De hac urbe diximus in Mare Galilææ, quod ab urbe dictum sit mare, stagnum, & lacus Tiberiadis. Hanc muniit Josephus dum Præfidem ageret in Galilæa. Urbs distat 30. stadiis ab Hippo, 60. à Gadaris, 120. à Scythopoli; eaque fuit aliquando Galilææ metropolis.

Tichon. Ezech. 47. v. 16. Domus Tichon, quæ est juxta terminum Auran.

Tigris fluvius in Paradiso voluptatis. Genes. 2. v. 14. Nomen fluminis tertii Tigris, ipse vadit contra Assyrios. Tobias 6. v. 1. & mansit (Tobias Junior) prima mansione juxta fluvium Tigris. Judith 1. v. 6. In campo, qui appellatur Ragau, circa Euphratem & Tigrim. Daniel 10. v. 4. Eram (inquit) juxta fluvium magnum qui est Tigris. Is fluvius oritur è montibus Ararat, sive Armeniæ: & inter Assyriam & Mesopotamiam fluens, Chaldæamque sive Babyloniam interfecans, Euphrate recepto labitur in Sinum Persicum, Arabiam inter & Persidem.

Torrens ad solitudinem Jeruël, 2. Paral. 20. v. 16. V. Jeruël.

Torrens, ipse est ex quo David limpidissimos quinque lapides elegit, iisque in peram pastorem positus, fundam manu ferens, processit adversus Goliath Gigantem Philisthæum, eumque armatum inermis occidit, 1. Reg. 17. Cendebæus etiam penes hunc Torrentem à Machabæis fusus, fugatusque est, 1. Mach. 16. v. 8. Torrens hic è montibus Judæ descendit, labiturque per Modin, & Vallem Terebinthi, & inter Jamniam & Joppe in Mare effluit.

Trachonitis, regio trans Jordanem, tota montibus aspera, unde ipsi nomen. Hujus in Scriptura Sacra solus meminit Lucas 3. v. 1. Anno decimo quinto imperii Tiberii Cæsaris, procurante Pontio Pilato Judæam, Tetrarcha autem Galilææ Herode, Philippo fratre ejus Tetrarcha Iturææ & Trachonitidis, & Lysania Abilinæ Tetrarcha.

Transitus Israël, locus quæ Jordanem ipsi transierunt; dum etenim aquæ superiores ad instar montis intumescens sese sustinent, & inferiores in Mare descendunt, deficiuntque, Sacerdotibus cum arca in medio stantibus, Populus omnis Israël per siccum fluvii alveum Terram Promissam ingressus est, ex Josue 3.

Latit.
Gr. Scr.

Longit.
Gr. Scr.

....

....

50. 0 50. 0.

31. 21. 66. 2.

52. 30. 35. 0.

31. 34. 67. 16.

39. 15. 58. 5.

32. 35. 67. 31.

33. 22. 67. 47.

38. 0. 78. 0.

31. 23. 66. 55.

31. 50. 66. 5.

33. 0. 68. 0.

31. 44. 67. 16.